



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1546. usque ad annum 1549

**Fleury, Claude**

**August. Vind. [u.a.], 1770**

**VD18 90118529**

§. 97. De ritibus, S. Imaginibus, Reliquiis, precibus pro defunctis.

---

[urn:nbn:de:hbz:466:1-66608](https://nbn-resolving.de/urn:nbn:de:hbz:466:1-66608)

Sæcul. XVI. Parentum legitime inita non debere re-  
A.C. 1549. scindi.

Mox tamen Synodus in articulo trigesimo septimo hæc addit: *Volumus tamen liberos sedulo admonexi, ut divini præcepti memores, velint in parentum esse potestate, nec illis insciis, aut invitatis inre matrimonia, ac quidquam rei serio inchoari præsumant.*

Hanc in rem Synodi Patres in articulo trigesimo octavo hæc subjungunt: *Ut matrimonio suus honor conseruetur, conjunctiones conjugum volumus in conspectu Ecclesiae, adhibita celebritate consueta, confirmari, ne per occultas copulationes, sub praetextu conjugii illicitæ libidines graffentur, & ut pericula, quæ ex clandestinis copulationibus suboriri possunt, excludantur: nomina contrahere volentium, ante conjunctionem, tribus diebus festivis, non inmediate se invicem sequentibus, sed per aliquot dierum intervalla a se distantibus, in Ecclesia coram multitudine proponi debeant.*

### §. XCVII.

*De ritibus, S. Imaginibus, Reliquiis Sandorum, ac precationibus pro Defunctis.*

Articulus trigesimus nonus hæc proponit: *veterem morem in Ecclesia sequimur, dum salem, aquam, & ceteras, quas-*

quasdam res in usum fidelium, per oratio-Sæcul.XVI.  
nes in verbo Dei præparamus, - - - quem A. C. 1549.  
morem in Ecclesiis nostris præcipimus con-  
servandum: dummodo pastores sedulo edo-  
ceant, effectus, qui inde petentur, non i-  
psarum rerum efficacia, sed divinæ virtutis  
operationi, per fortissimi Nominiis divini in-  
vocationem tribuendos esse.

Similiter, inquit Synodus in articulo  
quadragesimo, etiam reliquas cærenomias,  
quæ mentes hominum ad pias, & utiles  
cogitationes excitare possunt, diligenter re-  
tinendas censemus: quales sunt, quæ in ad-  
ministratione sacramentorum adhiberi con-  
sueverant; quibus annumeramus, ut templo,  
velut orationum, & divini cultus, & sa-  
cramentorum officiæ, per loca idonea, ha-  
beantur: ad quorum ornatum, simul etiam  
velut divini cultus, & promovendæ pietatis  
apta instrumenta, in iis signa Crucis, alias-  
que imagines, vexilla, vestes sacras, altaria,  
& vasa sacra conservari & usurpari vo-  
lamus.

In articulo quadragesimo primo ita  
pronuntiat Synodus: *Imaginem usum  
velut pro erudienda plebe, & omnium a-  
nimis excitandis utilem, in Ecclesiis nostris  
retineri ferio mandamus, dummodo pastores  
nostrí populum accurate moneant, imagines  
non ad id proponi, ut adoremus, aut co-  
lamus eas; sed ut quid adorare, aut colere,*  
*aut quarum rerum utiliter meminisse debea-*

*nus,*

**Sæcul. XVI.** *mus, per imagines recordemur: procaces vi-*  
**A.C. 1549.** *ro imagines & nino artis lenocinio, ad*  
*mundanæ potius vanitatis speciem, quam ad*  
*pietatis commonitionem effigias, in tem-*  
*plis proponi omnino vetamus, tam laici-*  
*vam artis ostentationem frugi, & severo pa-*  
*triæ familias intra privatas ædes gravem, tem-*  
*plis prorsus intolerabilem censemus.*

His in articulo quadragesimo secun-  
do adhuc ea, quæ sequuntur, addit:  
*Cum utilis, & legitimus imaginum usus*  
*intræ eos limites contineri merito debeat, ut*  
*simplex populus non ipsas imagines adora-*  
*re, aut fiduciam in eis ullam ponere, sed quem*  
*adorare, quoque honorare, & unde omnia*  
*sperare debeant, per imagines discant re-*  
*cordari: Nos pravæ superstitioni viam prä-*  
*cludere volentes, omnibus locorum ordina-*  
*riis injungimus, ut si forte in territoriis suis*  
*ad imaginem aliquam concursus fieri, & ho-*  
*mines ad ipsius imaginis figuram respe-*  
*ctum habere, & quasi quamdam divinitatis*  
*opinionem illi tribuere animadverterint, i-*  
*psam imaginem, adhibitis prius in Consilium*  
*Theologis, & Christianarum antiquitatum*  
*Scientissimis iuxta, ac pientissimis viris, pro*  
*caussæ qualitate, aut tollant, aut mutent,*  
*& aliam, a prima notabili quantitate dis-*  
*ferentem reponant; ne ruditus populus, in*  
*intellectu suo depresso, & ideo per media*  
*corporalia ad divina erigendus, spem suam*  
*contra Ecclesiæ intentionem, in corporali, &*  
*quidem*

quidem certa imagine, privata phantasia, at- *Sæcul. XVI.*  
*que inhæsione collocet, quasi in illa sit que-* *A.C. 1549.*  
*dam necessitas, ut per eam, & non aliter*  
*inducatur Deus, & sancti id facere, quod*  
*petitur.*

Articulus quadragesimus tertius  
*sacras Reliquias monet in Eccle-*  
*sis vel ob id proponendas, & religiosa*  
*pietate venerandas, ut per eas fideles com-*  
*moniti, discant virtutem, & fidem sancto-*  
*rum imitari, & alicubi in iis sanguinolen-*  
*tas notas, & pro fide Christi tolerati mar-*  
*tyrii vestigia cernentes admoneantur; spem*  
*fidei nostræ non esse innanem, pro qua o-*  
*mnia dira pati sancti Martyres in animum*  
*sibi induxerunt.*

In articulo quadragesimo quarto a-  
*gitur de sacris Peregrinationibus, eas-*  
*que populo permittendas esse censet*  
*Synodus, dummodo sedulo caveant Pa-*  
*stores, ne usquam abusus irrepatur.*

In quadragesimo quinto Patres sta-  
*tuunt sanctos esse colendos eo societatis, &*  
*dilectionis cultu, quo in hac vita Sancti ho-*  
*mines rite coli possunt, quorum etiam me-*  
*ritis associari, & orationibus adjuvari rite*  
*petimus.*

Articulus quadragesimus sextus  
*comprobat orationes pro defunctis, si-*  
*mulque quasdam profert rationes, quæ*  
*carcerem piacularum dari confirmant.*

Dein-

**Sæcul. XVI.** Denique articulus quadragesimus  
A.C. 1549 septimus commendat jejunii, ac absti-  
 nentiae legem, eamque ex legitimo Ec-  
 clesiæ præcepto descendere statuit.

## §. XCVIII.

*Capita pro emendatione disciplinae,  
 ac morum.*

**A**ltera pars, quæ morum correctionem spectat, quinquaginta septem complectitur capita, quorum potissima pars ex priori Moguntino Concilio defumpta fuit; quocirca hoc loco nonnisi eorum titulos recensemus.

- I. *De Constitutionibus Ecclesiarum.*
- II. *Ne ignoti & inexplorati ad prædicationis munus admittantur.*
- III. *Observandi Parochi, & concionatores, quomodo quisque doceat.*
- IV. *Vitendum, quibus libris parochi, & concionatores passim utantur.*
- V. *Plebs, ut concionibus, & divinis interfit, per magistratus adigenda.*
- VI. *De Horis Canonicis.*
- VII. *Quæ ad tremenda Missæ mysteria requirantur?*
- VIII. *Presbyteri cum irreverentia Missas celebrantes coercendi.*
- IX. *De præmittenda Sacerdotum Confessione ante Sacrificium Missæ.*
- X. *Missæ.*